

## Prosté słowa

Jô lubiã prosté słowa

chtërne płëną jak wòda ze zdròdła.

Òd taczich słów nie bòli głòwa

i tłómôcz nie je tu pòtrëbny.

Niech snica bãdą skrzydlaté

a òczë fùlné blòskù.

Żòl to nié wseczëcé dlò mie

chòc biwò, że czasã zapłaczã.

Wspòminkóm niech czas dodò ùrodë,

kòzdò przezëtò chwila

niech trëwò póczy bije serce,

pòkąd mómë prosté słowa i jasné mëslë.

Wszëtkò je mòżebné póczy jesmë...

## Szczescé

Szczescé mô pôchã zymkù  
je jak ptôch co òdlatëje  
i znòwù pòwrócô.

Szczescé mô ùsmiëwk dzecka,  
je jak stegna ledwò wëdeptónô  
i wcyg òd nowa ceszi  
chòc za sztót bãdze ju minioné...  
Szczescé to wszëtkò co piãkné  
i przez lata doznóné,  
to wszëtkò co na dnie serca  
mómë na wiedno schòwóné...

Nie je rzeczą prostą

Nie je rzeczą prostą

prowadzëc kogòs w przódk.

Za słabò znajã drogã,

za mało sëtë móm.

Nie je téż rzeczą prostą

za kògùms w tële jic.

Nie je letkò doganiac

i mògã zgùbiec sã.

Leno pòspół z Tobą

mògã wszãdze jic

bò tak zwëczajno i prosto

z Tobą nie lãkóm sã.

Nic a nic.

Pitóm

Pitóm sã sama siebie

dokądka wcyg tak biegóm?

Pitóm sã drzewów czedë tak wiôldzé ùrosłë

i kamów pitóm

jaczi pòczątk pamiãtają?

Pitóm sã kwiatów

skądka tã snôzotã i pôchã cëdną mają?

I trówë zelonosc mie cekawi

i swiata wiôlgòsc i słuńca mòc.

Leno tak mało wiém...

Szukac, pëtac i snic

a nawetka błędzëc

to je lëdzkô rzecz.

Nôgòrszé to nie robic nick

i czekac na òstatny snik...

## Rôczba Anioła

Jak Ciebie Aniół przërôczy do se

bez słowa biôj za jegò głosã.

Bò razã z taczim niebnym ptôchã

cědno je bëc, gadac, słěchac...

Aniele òd kawë i òd arbatë,

Aniele òd szczescô, òd czelicha wina,

Aniele òd miłotë i òd redotë

Jak dobrze sedzec przë jednym stole.

W jawã zamieniô sã spik...

Sniców ni mòże zakazac.

Sniców ni mòże nama òdebrac nicht.

Czë stôwiô sã jesz...

Czë stôwiô sã jesz kaplëczczî i krzîze  
przë drogach?

To taczé stôroswiecczé, nié na dzysészé czasë  
ani mega, ani giga...

Nie pasëjã do techno-swiata,  
zwëczajné, a przë tim taczé prôwdzëwé.

Czë chtos tuwò jesz sã mòdli,  
chòcbë krótkò i pò cëchù?

Stôrô kaplëczka przë drodze i krzîz  
përnã ùdzãti pòd cãżôrã jiscënków  
stoi i czekò, bë cerplëwie wësłëchac i wesprzëc  
zagùbionégò człowieka.

W zwãtpienim i żòlu  
kaplëczczî i krzîze przëdarzné  
mòże nas zretajã...

Ùklëknie człowiek z nôdzejã,  
naléze drogã z chtërny zbòczył  
rãkòwã łzã òbetrze i wezdzi

Prôwdze prosto w òczë.

Kaplëczczî i krzîze niejedno widzałë.

Bëfë, sã i bãdã zeswiòdczeniém  
naji wiarë.

I przĩndze taczi czas...

I przĩndze taczi czas

że łąka blós i las

i ògard ùkwiecony

i ptôchów spiéw

i wiatru dech

co mùjkò skarnie pòstrzébrzoné

i stegna jesz

co dalek gdzes

i besu czerz – lilewi szòł

w nórce ùtacony

i kwiatów lop

co pôchą swą

przébôczy wszètkò co minioné

i mòże jesz ùsmièwk

kąsk dôką ju zakrèti

a do te jesz ceplò chëcz

wiedno òtemkfé dwiérze

i stól przè chtèrnym môltèchë i kawë

na zgòdã i pògòdã

i słowa dzys jak szept daleczy....

I przĩndze taczi czas

że wszètkò to òstónie

leno nie bådze nas...

Ptôchë mòje

Ptôchë mòje

dôjta wa mie skrzidła swòje.

Ej wa ptôchë, wa skrzidlaté

tak wama zazdrôszczóm

czemù ta pòdniebnô wòlnosc

je blós waji szczescym?

Snôzé ptôchë, ptôchë mòje

dôjta wa mie skrzidła swòje.

A jak dac jich ni mòżeta

lecta wësok, lecta dalek

mie òstónie blós tesznota...



## Gwiôzda

Gwiôzdë òbaczëc

to apartné prawò nocë.

Jô ùdrza jedną

w widze dnia.

Tak mie òczarza,

że z ji przëczënë

jiny jem òbôcza swiat.

Ta gwiôzda mô lëdzką twôrz

i sercã rozmieje zdrzec.

Chòc tëli je gwiôzdów na niebie

jô przed òczama wcyg móm

blós tã jedną

co wszëtczich pòòstałëch przëcemniła blòsk...

Móm taczé młodé serce

Móm taczé młodé serce

i dëszã młodã móm

i tëli zymkù w òczach,

że Tobie téż gò dóm.

Móm taczé młodé serce

i dëszã młodã móm

stojã na starzë redoscë

z chãcã rozdóm jã wkól.

Móm taczé młodé serce

i dëszã młodã móm

i jesz skòpicã sniców

co są jak gwîôzdów trój.

Móm taczé młodé serce

i dëszã młodã móm

i to je nôwôźniészé

ò jiné sprawë nié baro dbóm...